



UPRAVA DRUŠTVA	Strana: 1 od 2
Broj protokola: <i>05-1-25-1-5962-17/21</i>	JAVNO

Datum: 26.04.2022. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Aviomostovi sa uključenim sistemom za pristajanje (VDGS), 3 kom, broj: 05-3-25-1-5962-16/21, Uprava J.P. Međunarodni aerodrom "SARAJEVO" d.o.o. Sarajevo postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjenjem elektronskom poštom, donosi

O D L U K U

I

Prihvata se ponuda ponuđača TK AIRPORT SOLUTIONS SA, Mieres, Španija, zavedena na protokol Naručioca pod brojem: 06-1-25-1-5962-4/21 od 12.04.2022. god., za nabavku robe: Aviomostovi sa uključenim sistemom za pristajanje (VDGS), 3 kom, koji je ponudio cijenu za navedenu nabavku u iznosu od 1.954.157,55 EUR / 3.821.999,96 KM, bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Ova Odluka će biti verificirana na idućoj 57. sjednici Uprave Društva.

O b r a z l o ž e n j e

Postupajući u skladu sa članom 18. Zakona o javnim nabavkama („Službeni glasnik BiH“, broj 39/14), a u cilju izbora najpovoljnije ponude za nabavku robe: Aviomostovi sa uključenim sistemom za pristajanje (VDGS), 3 kom, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-1-25-1-5962-3/21 od 02.03.2022. god., a Rješenjem o imenovanju Komisije, broj: 05-1-25-1-5962-6/21 od 11.04.2022. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci predmetne usluge na portalu javnih nabavki, broj obavještenja: 246-1-1-104-3-30/22 od 03.03.2022. godine sa ispravkom broj: 246-1-1-104-8-47/22 od 05.04.2022. godine.

Do ostavljenog roka za predaju ponuda, 19.04.2022. god., do 12,00 sati, na adresu ugovorog organa, ponudu su dostavila dva ponuđača, i to: TK AIRPORT SOLUTIONS SA, Mieres, Španija i OMNIOIL d.o.o. Podgorica, Crna Gora.

Na javnom otvaranju ponude, koje je održano isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponude, Komisija se sastala radi njihove detaljne analize i konstatovala sljedeće:

- Pregledom ponude ponuđača TK AIRPORT SOLUTIONS SA, Mieres, Španija utvrđeno je da je ista formalno – pravno, tehnički i računski ispravna i prihvatljiva za Naručioca.
- Pregledom ponude ponuđača OMNIOIL d.o.o. Podgorica, Crna Gora utvrđeno je da ista sadržava niz nedostataka koje se ogledaju u činjenici da je ponuđač propustio dostaviti niz dokumenata i dokaza o ispunjavanju uslova utvrđenih Tenderskom dokumentacijom, i to sljedeće:
 - a) Ovjerenu kopiju izvoda iz sudskog registra;
 - b) Izjavu o ispunjavanju uslova iz Čl. 45 ZJN. (Aneks V);
 - c) Izjavu iz člana 52. ZJN (Aneks VI);
 - d) Potvrda o dobro izvršenom poslu;
 - e) Certifikat EN ISO 9001:2015;
 - d) Certifikat EN ISO 14001:2015;
 - e) Popunjenu specifikaciju korisničkih zahtjeva (URS) za aviomostove (Aneks VII);
 - f) Popunjenu specifikaciju korisničkih zahtjeva (URS) za sistem za pristajanje (Aneks VIII);

Vrsta dok.	Izdavač
ODL	5-01
Strana: 2 od 2	
JAVNO	

- g) Garanciju za ozbiljnost ponude;
h) Kopiju ponude.

Ovakvi ozbiljni propusti u pripremi ponude su donekle razumljivi kada se ima u vidu da navedeni ponuđač nije niti preuzeo Tendersku dokumentaciju, što je bila njegova obaveza ukoliko ima namjeru učestvovati u konkretnom postupku javne nabavke. Prema mišljenju Agencije za javne nabavke objavljenom na zvaničnoj web-stranici www.javnenabavke.gov.ba **svaki ponuđač koji ima namjeru učestvovati u postupku javne nabavke dužan je preuzeti tendersku dokumentaciju, jer je ista preduslov i materijal za pripremu ponude.**

Pored prethodno navedenih nedostataka, Komisija je konstatovala da su sredstva za ovu nabavku predviđena Planom poslovanja Naručioca za 2022.-2024. godinu, planskim pozicijama: D.02.12 Aviomostovi, u iznosu od 3.600.000,00 KM, i P.16.01 VDGS sistem i oprema, u iznosu od 300.000,00 KM, što ukupno iznosi 3.900.000,00 KM.

Kada je u pitanju Plan nabavki za 2022. godinu pod stavkom G.1 Aviomost i VDGS sistem i oprema, kao procijenjena vrijednost predmetne nabavke je naveden iznos od 3.900.000,00 KM.

Ponuda ponuđača OMNIOIL d.o.o. Podgorica, Crna Gora prelazi planirana sredstva za nabavku predmetnih roba, s obzirom da vrijednost iznosi 3.911.421,39 KM.

Dakle, Komisija je utvrdila da ova ponuda nije potpuna i ne ispunjava zahtjeve iz Tenderske dokumentacije, stoga je istu, postupajući u skladu sa čl. 68. stav 4. alineja i) ZJN BiH, potrebno odbaciti kao neprihvatljivu za Naručioca.

U ovom postupku nabavke bila je predviđena e – aukcija i to za kriterij cijene, koja nije provedena zbog prijema samo jedne prihvatljive ponude.


Kako je Odlukom o pokretanju postupka nabavke t.j. Tenderskom dokumentacijom, shodno članu 25. Zakona o javnim nabavkama, utvrđen metod nabavke Otvoreni postupak, Komisija je ocijenila da postoje uslovi za nastavak postupka dodjele ugovora.

Vodeći se gore navedenom činjenicom, Komisija je konstatovala da ponuda ponuđača TK AIRPORT SOLUTIONS SA, Mieres, Španija u cjelosti ispunjava uslove date u zahtjevu za dostavu ponude, uz ponuđenu cijenu navedenu u dispozitivu ove Odluke, pa je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo, postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjenjem elektronskom poštom razmotrila je dostavljenu preporuku Komisije, te je, nakon uvida u cjelokupno provedeni postupak, istu prihvatila, i u skladu sa čl. 25. i 64. Zakona o javnim nabavkama i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem Naručioca, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponude.


DIREKTOR
 Alan Bajic

DOSTAVLJENO:

1. Ponuđačima (co.)
2. Upravi Društva
3. Sektoru razvoja, tehnike i standardizacije
4. Sektoru aerodromskih usluga
5. Sektoru za administrativnu podršku
6. a/a